






HT





John Carter Brown.











Ann recept von
 ainem / holz zu brache für
 die krankheit der franzo-
 sen vnd ander flüssig offen-
 schaden / auß hispanyscher
 sprach zu teutsch gemacht/
 darzu dz Regiment wie
 man sich darin hal-
 ten vñ auch dar-
 zu schicken.
 soll.



15 2 4. —



Hernach volgt ain bewerde recepte

von ainem holz genant Guaicanum / wechset in Antilles
in einer Insel gehayssen laisla spagola / fast hailßam für
all alt schäden vnd die kranckhait der frantzosen / welches
holz gar hyzig vnd güt ist zů medicieren hert vñ schwer /
hat inwendig ain schwarz braunen keren oder marck / sei-
ne frucht inn dem selben lanndt seynd nuss güt zů essen /
purgieren oben vnd vnden.

Im ersten so sol man nemen

Das gemelt holz mit sambt dem rinden / zů
klainen spenen schneyden / wa man aber ay-
nen träer od trechsell gehabt mag d möcht
es zů klaynen spenen träen / wañ es sich herte
halben fast vngern schneyden laßt / vnd der selben spenlen
bey zweyen pfunden schwer in ainem newen glaseyrtten
hasen von erdē thün / dartzübergießen sechs maß frisch Brun-
nen wasser / durch ainander riern / darnach wol bedeckt las-
sen ston vier vñ zweyngig stund lang / nachmals sol man
den hasen zům feür thün vnd seuberlich siedē lassen mit
ainem mittelmessigē feür nit zů groß noch zů klain / damit
die materi stet in ainem wesen sied vnd nit überlauff / auch
das der hasen stets verdeckt sey / Vñnd wañ vngesährlich
der drit tayl des wassers eingesotten ist / sol man die mate-
ri schäumen vnd den schaum in ainem glasey bewaren / dye
fleckē vnd maseñ von den scheden oder frantzosen abents
vñnd morgens damit bestreichen so vergend sie / Darnach
sol mans noch lenger siedē lassen biß auff den halbē tayl /
also das die sechs maß wasser auff drey maß eingesotten
werden / dz verzeucht sich etwan sechs in acht stund lang
sol allzeit ain person darbey sein / verhütten vnd sehen dz
es nit überlauff / darnach soll man den hasen gemach das
er nit fast geryert werd vom feür thün vñnd wol bedeckt

lassen steen vier vñ zwayntzig stund lang / nachmals das
wasser durch ain sauber leinruch in ain glass ab od durch
seyhen / vñ dann also ist das wasser berayt vñ zů brauch
en wie hernach volgt. Vñ wann das wasser auß ist muß
oder soll man wider ain ander holz wie vor einwaychen/
steen lassen / darnach sieden in aller massen vorgemelt / sol
lichs bey rechter zeyt thün damit der krank nit verhindert
werd / vñ für vñ für nach seiner ordnung zů trinckē hab/
vñ kain zeit nit übergee. Man soll auch nit mer dan zway
pfund holz auff ain mal sieden / sonst wann des wassers zů
vil wer / wurd es nach etlichen tagen schmeken dz es wider
zem zů trincken wer / deshalben man nit mer dan wie ob/
steet zway pfund holz in sechs maß wasser sieden sol. Vñ
so warm wetter ist sol man nur ain pfund holz inn dreyen
massen wasser sieden damit es schmackhafte vñ in seynen
kresten bleib. Solich sieden muß man so offte thün das die
krank person dreissig tag lang zů trincken hab / Dartzů ber
darff in solchē die krank person bey weilen. vi. vii. viij. bis
in zehen pfund holz / darnach die complexion od die krank
haiten vñ schaden an ir seind / muß die selb person trinckē
en vñ sich halten wie hernach steet. Das holz so ayn
mal gesotten ist soll man nachmals wider sieden wye vor
mit sechs maß wasser / solliches nennt man denn des klain
wasser / mag man brauchen wie hernach volgt.

Hernach steet wie sich die krank per =

son halten vñ vorgeschubens wasser brauchen sol.

Die krank person soll sich die zeyt enthalten in ainer ge
haben vor lufft wol erwarten warmen kamer / stets fetter
darinnen haben / vñ sich gnaw hüten vor wind vñ lufft /
mit klaydern vñ decken über das bedt zymlich verwarnt/
nit zů kalt noch zů warm stets law in ainē gleichen wesen
sol nit auß der kamer kommen / auch kain fenster aufstün /
wann wa der lufft den menschen berürt wer er inn perickel
des tods. Vñ so sich die perso ansacht zů halte muß sie sich

drey tag nach ainander purgieren mit getranck mit pillu-
len / oder gemayner zynlicher crüstier dem kranken züm-
anmemlichste nach radt ains artztes / nach dem dan die per-
son starck od schwach ist / Sol auch die selben drey tag we-
nig essen vñ anfahē sich zū hüngern. Vñ so sich die person
also purgiert hat / soll sie am vierdten tag des morgenns
anfahen des wassers zū trincken / also des ersten wassers
zū fünff vin im bedt ligend ainen gürtten becher vol vnge-
färlich ain viertayl od ain sechs tayl ainer mass / darnach
die person groß / starck / oder subtil ist / vnd soll das wasser
allzeyt law nit zū kalt noch zū warm sein / darauff soll der
krank still ligen vñ schlaffen (oder mag) biß vñ neün / ze-
hen od aylff stünd im tag / darnach auff ston / wa sie anders
kan der schaden vnd krankheit halb / vñ sol essen zwischen
aylf vñ zwölff vin / nēlich ain klains jungs hünlein / od wa
sie groß wern nur ain halbs / dz sol in lauter wasser gesotē
sey on alles schmalz vñ ande ding / aber zucker mag
man wol zūm hünlin legen vnd ain wenig darmit sieden
lassen / sonst nichts nit. Man mag auch besonder in ainem
wasser sieden ain gartenkraut genant Boragen / dasselb
zūm hünlin legen vnd damit essen / rainiger dz geblüt / dar
zū soll die krank person essen ain klain weyß pöcklin auff
das mayst vier vñ zū schwer / vnd ye minder die person ist
vom hünlin oder brat je besser ist / ye mer wirckt das trank
zū fürderlicher gesundheit. Ob auch die person durst
het mag sie trincken von dē klaynen wasser so nach dem er-
sten vom holtz gesotten ist / doch wa man holtz genūg ge-
haben mag ist besser vnd haylsamer von dem erst gesotten
wasser für vñ für zū trincken so oft vnd vil sie will / sey
zūm essen od darnach / soll aber sonst kainer lay speys noch
getranck niessen oder einnemen in kaynen weg / auch den
selben tag abents nit mer essen / besunder zū siben vin sich
widerumb nider legen / vñ zū acht vin trincken von dē bes-
ten od erste wasser wie des morges beschehen ist / Soll sich
auch mit kainer andern wasser negē an henden noch füßen

Ain soliche regel vnd ordnung muß vñ sol die frantz person ainen yeden tag halten/bis an den zehenden tag/den anhaben des morgens zu trinckē zu vier vin/darauff ligen bis auff neyn oð zehen vi/darnach essen die halb portion/oder halb so vil als sie vor an den neyn tagen geessen hat/das ist/nun ain halbs hünlin/vnd zwü vnz brot/vnd am abend zwischen diey vñ vier vin wider essen ain halb hünlin/vnd zwü vnz brot/nach dem zu acht vin sich wider nicht verlegen/vñ zu neyn vin trincken wie ander mal. Ain soliche regel sol die frantz person halten bis an den fünfzigsten tag/darnach sol sie sich mit pillulen purgieren lassen nach rhat aines arzters/Süroan die regel weyter halten bis an den dreissigsten tag in als/doch wann die person über die zwainzig tag getrunckē/vñ sich wol gehalten hat/sich etwas wol befindet/so wirt der hunger überhand nemen/als dan mag sie mer essen/als zu morgens ain ganz hünlin diey oð vier vnz brot/vñ abents halb so vil/yedoch für vñ für nicht anders trincken dan von dem gesottē wasser vorgemelt/sonst nichts nit niessen noch essen/Sey confortatiff/oder anders/nichts nit außgesündert/vnd dem getranck sein Wirkung lassen/dassellb allain muß de leib curiern vnd regiern. Vnd so die dreissig tag auß vñ verschynen seind/sol man die person wid zymlich purgieren/nemlich zwen tag muß sie trincken/vñ am dritten tag pillulen nemen/wa sie nit wirken/sol sie am vierden tag aber pillulen nemen/Bedarff das wasser mit mer trincken/sie wol dan das gern thun/sol vnd mag darnach essen gütte hünlein wol gekocht/oder ander gemüß dz ring ist/Doch am ersten nun ainerlay speys/vñ mag darzu trinckē lauter Wein der halb teil mit wasser gemischt wår/gesundlich mit dem gesotten/Vnd sich zum ersten genau halten mit zumil essen noch trincken/Vñ so sie sich also purgieret hat sol sie darnach zwen tag des morgens ain trunck wassers vom holz thun/halb so vil als sie vormals getrunckē hat/darnach mit mer/aber sich sechs oð acht tag in der kamer

halten biß sie etwas erstarrt vñ zůkrafft kombe/darnach
anfahē bey weylen auß zůgeen/ auß d̄ kamer/ sich mit klai-
dern temperierter wdm halten biß sie des lufftes gewont/
vñ mit nichten nit zůvil an dem wind vnd lufft wandeln/
Vnd wa sich die person also helt/ ist kein zweyfel sy wirt
genesen vñ d̄ krankheit wiß abkōmen/ als ob sie der nye
empfundē het. Dieweil sich die person also in d̄ kamer helt
sol sie sich in kainer fantasey oder beschwörung befinden
lassen/ mit nichten nit betrüben ob bekümmern/ auch kains
wegs zornig werdē/ besonder alle freud suchen weim es ver-
müglich ist mit singen/ sayttenspil/ vnd andern das dem
kranken zů freuden dienet. Man bedarff auch den kran-
cken mit beywonūg nit scheūhen/ wann es niemandt schād-
lich ist. Vnd ob die person bey weylen in solicher haltung
schwach wirt/ hat nit not/ vñ ist sonđ sorg/ Sie mag ain
trunck vom wasser thūn/ das sterckt/ fūrt/ krefftigt vñnd
vnderhelt die natur des mensche. Sie wirt auch in der zeit
wenig stůlgeng haben/ als etwan in drey vier oder fünff-
tagen ain mal/ wa es sich über dreytag verzeicht sol man
ir ain suppositoriū oder zepflen von vnden auffstossen.

Solchs recept/ordnung vñ haltung sol man im May-
en/ Junio/ Julio vnd Augusto pflegen zůbrauchen/ wann
in den andern monaten ist d̄ keite zůbesorgen/ in den lan-
den aber da man stuben hat/ mag man es allzeit brauchē/
also das sich die krank person in ainer stuben stetigs halt
zymlicher wōme in ainē gleichen wesen/ tags vñ nachts/
kein fenster noch thür offen laß/ damit nit lufft drein gāg.

Hernach volgt wie sich die genesen

person nach solicher regel weyter halten sol/
damit sie bey gesundhait beleyben mūg.


Zum ersten sol sie gūtt regiment halten/ drey oder zum
wenigste zwen monat lang/ sol sich hūtten vor vnkeisch-
hait/ es seien mans ob weißs personē/ vñ besond in zwaien
monat lang so lieb im leben vnd gesundhait sey/ wiewol


sy sich befindet/Sich auch hütten vor überfluß essens vnd
erinctes/besonder vor großer vndwiger speiß/als vor ge
salzē dingē/schweynim flaisch/zwysel/pfeffer/od̄ ander
hitziger speiß/dz alles ist gift vñ widerwertig diser krank
hait/Viemlich auch vor allen vischen/gesalzen vñ grün/
besond̄ sol sie essen ringe wolgekochte speiß/als da ist hū
ner/cappon/kalbflaisch/rüben/grün kraut vnd netiwges
legte ayer/güet gemüß/aber kein weiß kraut noch salat/
auch kainerlay obs sol sie rochessen. Sol sich auch hütten
vor vil trincken/den wein mit ainem düttail wasser ver
menget/mag sie wol nemen. Vnd wa sich die person drey
monat lang nach den dreyssig tagen also halten wirt/od̄
zum wenigsten zwen monat/ist sie nachmals on sorg/das
sy weyter oder fürbaß nit mer beschwärt noch zůfall von
diser krankhait befunden werde/mag nach maln essen vñ
trincke von allem wie vor/yedoch mit allen sachen ist alle
zeyt messigkait ain fristung der gesundhait des leibs/als
ain yetglich vernünfftig mensch selbs wol ermessen mag/
Besund sich aber ain person wider etwas schwach sein/so
mag sie abents bey weylen pillulen einnehmen / nach radt
ains arzets/aber ungezweyfelt ist sie vñ diser krankhait
entlediget/wirt zunemen am leib/vñ überkompt ain güet
ten magē. Ob auch ain solche person offen schädē het wā
ren wie groß sie sein möchtē/sol sie nichts darzū thūn dan
vngentū album/haist die weißsalb auß der appotect/mit
ainem pflaster darüber legen dz kült die schäden/das übe
rig hait vnd purgieret das getranck. Es mögens auch
die brauchen/so das podagram haben/oder ander fluß vñ
schäden/wan̄ bewert ist es/das diß getranck vñ holz wun
derbarliche ding gewürckt vnd gehait hat/vnd noch tā
glich thūt. Sein würckung ist auch/dases ainen tranckē
im bedt fast seer schwizē macht/dz mag man nit wol wen
den/vnd ist gesundt/doch nit zū lang/damit es den mens
schen nit zū schwach mache/man sol sich aber fleysiglich
hütten/vñnd sich nach dem schwitzen nit erkelten.

Zu wissen das diß regiment merertails gemacht vnd ge-
 stellet ist auff personen vnnnd menschen mittelmessigs al-
 ters/vnd güt züglaußen/das ainem menschen von wenig
 iarn so vil holtz im getranck wie ainē gestandner iarn mit
 zügedulden ist/ deshalben/vnd vmb ander züfälliger ver-
 sach willen/ist sich hierin zühalte nach radt ains versten-
 digen Doctors oder Arzts/dises holtz vñ getrancks zü ne-
 men mer oder minder/auch die tag oder zeit vor bestimbt
 zü kürzen oder zü erlengern/wie solichs die notturfft er-
 aischen würd/alles nach gelegenhait/gestalt vnd maß d
 juger/vñ des alters/schweche oder krafft der person/auch
 nach dem vnnnd die Schäden Lame oder kranckhait alt/
 neit/groß oder klain seind/Wie ain yeglich verstanden
 man dz in solichem die arzney vnder schidlich gebraucht
 vnd genommen werden sol) selbs wol bedencen vnd er-
 messen mag ꝛc.

Got sey lob.

Getruckt vñ volendt in der Kaiserliche Stat
 Augspurg/an dē achtenden tag des Apul
 len/des jars nach der geburt Christi
 vñsers herren/Tausent fünff
 hundert vnd im. XXIII.
 Jare.





J524^c
R295V

